

AKASHVANI (Kolkata)

Regional News Unit

Date : 26-04.2026

Desk in Charge : Susmita M.

Time : 1-40PM

Edit. & Compile : Sreyashi R./ Ranjana C.

DEO : KB

NRT : Ranjana C.

Announcement :- আকাশবাণী / খবর পড়ছিঃ-

বিশেষ বিশেষ খবরঃ-

- ১/ প্রধানমন্ত্রী নরেন্দ্র মোদি আজ আকাশবাণীর মন কি বাত অনুষ্ঠানে কালপাক্কম রিয়্যাক্টরের দক্ষতার মাইলফলক অর্জন, জনগণনা ২০২৭, এবং পুনর্নবীকরণযোগ্য শক্তি নিয়ে আলোচনা করেছেন। #প্রধানমন্ত্রী ২৫শে বৈশাখ, রবীন্দ্রনাথ ঠাকুরের জন্মবার্ষিকী উপলক্ষে তাঁর উদ্দেশে শ্রদ্ধা জানিয়ে সারা বিশ্বে আজও রবীন্দ্রসংগীতের প্রভাবের কথা উল্লেখ করেছেন।
- ২/ দ্বিতীয় দফার বিধানসভা ভোটকে অবাধ ও শান্তিপূর্ণ রাখতে নজিরবিহীন নিরাপত্তা ব্যবস্থা গ্রহণ করেছেন নির্বাচন কমিশন।
- ৩/ ডায়মন্ড হারবার বিধানসভা এলাকায় ভোটারদের হুমকি দেওয়ার ঘটনায় নির্বাচন কমিশনের নির্দেশে বাইক বাহিনীর বিরুদ্ধে FIR দায়ের করেছে পুলিশ।
- ৪/ দ্বিতীয় দফা নির্বাচনের আগে রাজ্যে জোরদার প্রচার অভিযান।
- ৫/ IPL ক্রিকেটে লখনৌতে কলকাতা নাইট রাইডার্স আজ লখনৌ সুপার জায়েন্টস এর মুখোমুখি হবে।

প্রধানমন্ত্রী নরেন্দ্র মোদী আজ তামিলনাড়ুর কালপাঙ্কমে ফাস্ট ব্রিডার রিঅ্যাক্টরটি ক্রিটিক্যালিটি অর্জন করায় ভারতের গৌরব বৃদ্ধি হয়েছে বলে দেশের পরমাণু বিজ্ঞানীদের প্রশংসা করেছেন। আকাশবাণীতে আজ ১৩৩ তম 'মন কি বাত' অনুষ্ঠানে জাতির উদ্দেশে ভাষণে শ্রী মোদী বলেন, ক্রিটিক্যালিটি হলো সেই পর্যায়, যেখানে একটি রিঅ্যাক্টর প্রথমবারের মতো সফলভাবে একটি স্বয়ংসম্পূর্ণ পারমাণবিক চেইন বিক্রিয়া সম্পন্ন করে। এই পর্যায়েই রিঅ্যাক্টরটি সক্রিয় হয়।

(Byte - reactor/ ২৭ সে.)

প্রধানমন্ত্রী উল্লেখ করেন, ভারত সম্প্রতি বায়ুশক্তিতে একটি বড় মাইলফলক অর্জন করেছে। ভারতের বায়ুশক্তি উৎপাদন ক্ষমতা এখন ৫৬ গিগাওয়াট ছাড়িয়ে গেছে।

২০২৭ সালের জনগণনাকে ডিজিটাল করা হয়েছে এবং সমস্ত তথ্য সরাসরি ডিজিটাল মাধ্যমে নথিভুক্ত করা হচ্ছে। বাড়ি বাড়ি গিয়ে গণনাকারী কর্মীদের কাছে সমস্ত তথ্য প্রবেশ করানোর জন্য একটি মোবাইল অ্যাপ রয়েছে। প্রধানমন্ত্রী উল্লেখ করেন যে, এবারের জনগণনাকে আরও সহজ করা হয়েছে, যেখানে মানুষ নিজেরাই তাদের তথ্য এই অ্যাপে আপলোড করতে পারবেন।

(Byte - census/ ২৫ সে.)

প্রধানমন্ত্রী বলেন, ভগবান বুদ্ধের পবিত্র আবির্ভাব দিবস বুদ্ধ পূর্ণিমা উদযাপনের মধ্য দিয়ে মে মাসের সূচনা হবে। তিনি সকলকে শুভেচ্ছা জানিয়ে বলেন যে, ভগবান বুদ্ধের বার্তা আজও সমান প্রাসঙ্গিক। তিনি বলেন, উত্তেজনা ও সংঘর্ষের এই বিশ্বে আজ বুদ্ধের বাণী আরও বেশি প্রাসঙ্গিক হয়ে উঠেছে।

(Byte - Buddha/ ২৮ সে.)

#প্রধানমন্ত্রী ২৫শে বৈশাখ, রবীন্দ্রনাথ ঠাকুরের জন্মবার্ষিকী উপলক্ষে তাঁর উদ্দেশে শ্রদ্ধা জানিয়ে সারা বিশ্বে আজও রবীন্দ্রসংগীতের প্রভাবের কথা উল্লেখ করেছেন।

(Byte- Tagore/ ৩৮ সে.)

প্রথম দফা নির্বাচনের মতই রাজ্যে দ্বিতীয় দফার বিধানসভা ভোটকে অবাধ ও শান্তিপূর্ণ রাখতে নির্বাচন কমিশন নজিরবিহীন নিরাপত্তা ব্যবস্থা করছে। এই দফায় মোট

২ হাজার ৩২১ কোম্পানি কেন্দ্রীয় বাহিনী মোতায়েন করা হচ্ছে। থাকছেন ১৪২ জন সাধারণ পর্যবেক্ষক, ৯৫ জন পুলিশ পর্যবেক্ষক এবং ১০০ জন আয়-ব্যয় হিসাব পর্যবেক্ষক। এছাড়াও অশান্তিপ্রবণ এলাকাগুলিতে ড্রোণ ক্যামেরার মাধ্যমে নজরদারি পরিকল্পনা করেছে নির্বাচন কমিশন।

ডায়মন্ড হারবার বিধানসভা এলাকায় ভোটারদের হুমকি দেওয়ার ঘটনায় নির্বাচন কমিশনের নির্দেশে পুলিশ বাইক বাহিনীর বিরুদ্ধে এফআইআর দায়ের করেছে। পুলিশ সূত্রে জানা গিয়েছে, বাইকবাহিনীর বিরুদ্ধে ভয় দেখানো, হুমকি, শান্তিভঙ্গের চেষ্টা এবং সরকারি কাজে বাধা দেওয়ার মতো একাধিক ধারায় মামলা দায়ের হয়েছে। গতকাল রাতে ওই ঘটনার অভিযোগ সামনে আসার পরেই কমিশন সক্রিয় হয়ে সংশ্লিষ্ট নির্বাচনী আধিকারিক ও পুলিশকে অবিলম্বে ব্যবস্থা নেওয়ার নির্দেশ দেয়। তার কয়েকঘণ্টা মধ্যেই অভিযুক্তদের বিরুদ্ধে ব্যবস্থা নেওয়া হল। একটি ভিডিও প্রকাশ করে নির্বাচন কমিশন নির্দেশ দিয়েছে ডায়মন্ড হারবারে ভোটারদের সম্পূর্ণ ভাবে হুমকি দেওয়া বন্ধ করতে হবে। এদিকে, আজ সকালে কাকদ্বীপে পৌঁছেছেন রাজ্যের মুখ্য নির্বাচনী আধিকারিক মনোজ কুমার আগরওয়াল। সেখানে প্রার্থী, তাঁদের নির্বাচনী এজেন্ট এবং নির্বাচনী আধিকারিক এবং পুলিশ এবং প্রশাসনের সঙ্গে বৈঠক করেন তিনি। তিনি জানিয়েছেন, সকলকে বলা হয়েছে, ভোটাররা যাতে নির্ভয়ে ভোট দিতে পারেন, তার জন্য উপযুক্ত ব্যবস্থা করতে হবে। ভোটারদের ভয় দেখানো কোনও ভাবেই বরদাস্ত করা হবে না।

(বাইট- মনোজ আগরওয়াল)

আসন্ন দ্বিতীয় দফার ভোটের প্রস্তুতি খতিয়ে দেখতে নির্বাচন কমিশন আজ কলকাতার দুই নির্বাচনী জেলা ও দক্ষিণ ২৪ পরগনার প্রশাসনিক কর্তাদের নিয়ে সমন্বয় বৈঠকে বসেছে। ধনধান্য অডিটোরিয়াম-এ বেলা ১১টায় বৈঠক শুরু হয়েছে।

মুর্শিদাবাদের বহরমপুরের সৈয়দাবাদের ১ নং বুথে বিরোধী দলের কর্মীদের হুমকি ও ভয় দেখানোর অভিযোগ উঠেছে শাসক দল আশ্রিত দুষ্কৃতীদের বিরুদ্ধে। বাসিন্দারা একযোগে প্রতিবাদ করলে ব্যপক গন্ডগোল শুরু হয়। খবর পেয়ে প্রবীণ কংগ্রেস নেতা অধীর চৌধুরী ঘটনাস্থলে যান। আক্রান্তরা কংগ্রেস কর্মী বলে দাবি করেছেন অধীর বাবু। কোচবিহারের নাটাবাড়ি বিধানসভা কেন্দ্রের বিজেপির ৩ নং মন্ডল সম্পাদকের দোকান ভাঙচুরের অভিযোগ উঠেছে তৃণমূল কংগ্রেস আশ্রিত দুষ্কৃতীদের বিরুদ্ধে। দীপক দাসের দোকান ভাঙচুর করে আগুন ধরিয়ে দেওয়ার অভিযোগ ওঠে। অভিযোগ অস্বীকার করেছে তৃণমূল কংগ্রেস।

অন্যদিকে বীরভূমের বোলপুরে ভোটের পর স্ট্রংরুমের ১০০ মিটার দূরে নানুরের বিজেপি প্রার্থী খোকন দাসের আক্রান্ত হওয়ার ঘটনায় তৃণমূল কংগ্রেস আশ্রিত দুষ্কৃতীদের বিরুদ্ধে অভিযোগ উঠেছে। তৃণমূলের পক্ষ থেকে হয়েছে বিজেপির অভিযোগ অস্বীকার করা হয়েছে। পুলিশ ঘটনার তদন্ত শুরু করেছে।

রাজ্যে বিধানসভা নির্বাচনের দ্বিতীয় দফা ভোট আগামী বুধবার, ২৯শে এপ্রিল। তার আগে আজ শেষ রবিবার জোরকদমে চলছে রাজনৈতিক দলগুলোর প্রচার অভিযান কর্মসূচী। রাজ্যে এসে পৌঁছেছেন বরিষ্ঠ বিজেপি নেতা নরেন্দ্র মোদী। বনগাঁর ঠাকুরনগরে একটি জনসভায় তিনি যোগ দিয়েছেন। এরপর মতুরা ঠাকুর মন্দিরেও যাবেন শ্রী মোদী। হুগলির হরিপালে দ্বিতীয় জনসভাতেও আজ বক্তব্য রাখবেন তিনি। বিকেলে উত্তর কলকাতার ঠনঠনিয়া কালিবাড়িতে পূজার্চনার পাশাপাশি বিকে পাল অ্যাভিনিউ থেকে খান্না ক্রসিং পর্যন্ত রোড শো করবেন শ্রী মোদী।

অপর বরিষ্ঠ বিজেপি নেতা অমিত শাহ নদীয়ার তেহট্ট, রানাঘাট দক্ষিণের আনুলিয়ার জনসভাতেও বক্তব্য রাখবেন। বিজেপির প্রাক্তন সর্বভারতীয় সভাপতি জেপি নাড্ডার আজ পূর্ব বর্ধমানের ভাতার এবং কলকাতার বেহালা পশ্চিম কেন্দ্রের শিব তলায় রোড শো করার কথা।

বিরোধী দলনেতা শুভেন্দু অধিকারী আজ চিনারপার্ক থেকে জোড়ামন্দির আন্ডারপাস পর্যন্ত মিছিলে নেতৃত্ব দেবেন।

রাজ্যের বিভিন্ন স্থানে একাধিক প্রচার কর্মসূচী রয়েছে তৃণমূল কংগ্রেসের নেত্রী মমতা ব্যানার্জী এবং সাধারণ সম্পাদক অভিষেক বন্দ্যোপাধ্যায়ের।

সিপিআই(এম)-এর রাজ্য সম্পাদক মহম্মদ সেলিম, প্রাক্তন পলিটব্যুরো সদস্য বৃন্দা কারাত আজ পানিহাটি ও খড়দা কেন্দ্রে দলীয় প্রার্থীর সমর্থনে এক জনসভায় অংশ নেবেন।

দক্ষিণ কলকাতার আনন্দপুর ও আলিপুর আজ তল্লাশি অভিযান চালাচ্ছে এনফোর্সমেন্ট ডিরেক্টরেট। দুই ব্যবসায়ীর বাড়ি সহ মোট তিনটি জায়গায় চলছে তল্লাশি। ইডি সূত্রে খবর, সোনা পাঞ্জুর মামলাতেই এই অভিযান।

আইপিএল ক্রিকেটে কলকাতা নাইটরাইডার্স আজ লখনউ সুপার জায়ান্টস এর বিরুদ্ধে খেলবে। খেলা শুরু হবে সন্ধ্যা সাড়ে সাতটায়।

হায়দ্রাবাদের গাছিবোলি স্টেডিয়ামে আজ ISL ফুটবলে মহামেডান স্পোর্টিং, স্পোর্টিং দিল্লির বিরুদ্ধে খেলবে। খেলা শুরু হবে বিকেল পাঁচটায়। মহামেডান স্পোর্টিং ৯ ম্যাচে দু পয়েন্ট নিয়ে লিগ তালিকার সর্বশেষ ১৪ তম স্থানে রয়েছে।
